



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1230. Usque Ad Annum 1248

Fleury, Claude

August. Vind. [u.a.], 1764

VD18 90118049

§. 14. Fama docentium.

[urn:nbn:de:hbz:466:1-66268](#)

ve missionibus remotissimis. Antiquitatis ignorantia est, quæ fecit, ut hæ regulæ crederentur sanctissime observandæ, cum interim ponderosiores aliæ negligerentur.

Mirum tamen, per tempora tam infelia & in tanta suppetiarum raritate Doctores nobis tam fideliter conservasse depositum traditionis, quantum ad doctrinam spectat. His debitam laudem libenter tribuo, & ascendens sublimius deprædico pro viribus illum, qui, ut promiserat, nunquam cessavit Ecclesiam tueri suam. Peto solum, ut illi Doctores in suo ponantur gradu, nec extollantur altius; ne dicantur attigisse perfectio-
nis apicem, ac debere nobis exemplo esse; demum, ne primorum sæculo-
rum Patribus præferantur.

XIV.
Fama do-
centium,

Magnifici tituli Doctoribus quibusdam adscripti sequentia fallebant sæcula. Albertus dicebatur Magnus, veluti si tantum eminuisse inter Theologos, quantum Alexander inter Bellidores. Scotus vocabatur Doctor subtilis

subtilis. Aliis adjecta sunt epitheta: *Irrefragabilis*, *Illuminatus*, *Resolutus*, *Solemnis*, *Universalis*. Sed ne nos fascinent hi grandes tituli, videamus, an non potius eorum, qui hos dabant, malum gustum, quam eos gerentium merita demonstrent: ex illorum libris, qui nostris sunt in manibus, de re judicium feramus? Ad me quod attinet, fateor, in Alberti operibus me nihil magnum, praeterquam voluminum granditatem ac numerum conspicere.

Revocemus in memoriam, hos Theologos floruisse eo tempore, cuius cætera monumenta omnia nobis nullo sunt in pretio, saltem si cum celebri antiquitate comparentur. Cogitemus ætatem veterum Romanorum, quorum exempla descripta in Fochetio habemus; ætatem Joinvili, & Villarduini, quorum historiæ quantumvis utiles ac ex nativo leprore suo jucundæ, nobis videntur rudes; ætatem ædificiorum Gothicorum, quæ plena parvis ornamentis tam

Hist. Poët.

tam parum placent, ut ea imitari architectorum nemo voluerit. Rite autem observavimus, in quovis saeculo certum regnare gustum, in omnia operum genera diffusum. Quidquid nobis restat ex antiqua Graecia, solidum, venustum, ac exquisiti gustus est: aedificiorum, statuarum, numismatum reliquiæ ejusdem in genere suo characteris sunt, quem habent scripta Homeri, Sophoclis, Demosthenis & Platonis: ubique regnat bonum judicium, & pulcherrimæ naturæ imitatio. Nihil habent simile, quæcunque nobis supersunt ab occa-
su Romani Imperii usque ad dimidium saeculi XV, quo scientiæ artes que liberales erigere se cæperunt dissipatis tenebris, quas populi Septentrionum Europæ toti obduxerant.

Hinc destruitur præjudicium sat-
is frequens, quod scientiæ semper perficiantur magis, quod inventis ad-
dere sit facile etiam mediocri inge-
nio, & quod nanus in gigantis hume-
ro sedens longius videat, quam gigas
ipse. Admitto generales has propo-
fitio-

sitiones: sed nostræ materiæ applicari posse nego. Illi, qui doctrinæ ac methodo veterum addere velit, perfecta ejus cognitio opus est, quæ vero deerat nostris Doctoribus, ut paulo ante dixi: sic pumilio in terra positus modicum habebat prospectum. Præterea scientiæ & artes, quæ indies perfectiores evadunt, humanæ sunt inventiones: sed vera Religio est opus Dei, à quo integrum suam perfectionem mox accepit. Apostoli & discipuli eorum doctrinam salutis omnem, eamque tradendi modum optimum callebant.

Sed nonne verum est, scholasti-
cos invenisse commodiorem, accura-
tioremque Theologiæ docendæ me-
thodum? nonne solidior est certior
que illorum stylus, quam plerorumque
veterum? Hoc dici equidem saepe
audivi, sed affirmare nequeo: nec un-
quam mihi persuadebitur, usque ad
sæculum XII in scholis christianis
nullam fuisse methodum. Credo, me
id demonstrasse secunda Dissertatio-
ne

XV.

Methodus
scholastica.

n. 14. 15.